

刑部比照加減成案

刑部比照加減成案卷十二目錄

杭州許樾

同訂

安陸熊莪

則律人命

謀殺人

謀殺祖父母父母

刑部比照加減成案卷十二

刑律人命

謀殺人

山西司

嘉慶十九年

等縣趙張吉生因胞弟張三小子屢竊任
振浩家財物聽從任振浩謀勒致斃該犯
因玷辱祖宗起見聽從謀勒幫同揞按依

餘人律滿杖。

湖廣司 嘉慶二十二年

南撫題陳邵氏因陳儲氏教令伊子行竊。事發畏罪起意自盡。逼令陳邵氏抱扶上吊。核與謀殺加功無異。查陳邵氏係陳儲氏子買休之妻。律應離異。有犯應照凡人科斷。陳邵氏應依謀殺人從而加功律絞。

候。

奉天司

嘉慶二十二年

黑龍江咨富尼善聽從伊兄富津保商允
李贊行竊。旋經竊得銀物。尚未分贓。富津
保私與富尼善商量。欲將李贊謀死。富尼
善始則阻止。繼被逼勉從。富津保用烏鎗
將李贊放傷身死。嗣因破案。富津保畏罪

卷十二

刑律人命

二

自戕該將軍將該犯依謀財害命不行而
分贓例擬軍。經本部改依謀殺人從而不
加功律擬流。

奉天司

嘉慶十九年

吉林將軍咨翟文魁聽從姦婦謀殺本夫。
傷而不死。例無明文。仍照謀殺人傷而不
死律擬絞。趙王氏明知其女與人通姦。並

不阻止反聽從謀殺加功依謀殺從而加功律滿流不准收贖。

直隸司 嘉慶二十一年

直督趙黃亭與黃方姐通姦嗣黃方姐因夫家迎娶有期不願另嫁甘心自盡向該犯商謀同死該犯聽從下手給食信毒斃命該犯自行服毒而未死該督將該犯依

謀殺人。造意律擬斬監候。經本部以案係
姦婦起意求死。先向該犯密商。該犯聽從
下手。將該犯改依謀殺加功律絞候。現定
新例

有專
條

浙江司 道光元年

浙撫題劉海信、租僱施志學船隻與水手
鍾清、茶吳阿五出洋捕魚。施志學因其船

租未清。屢向索討。該犯懷恨。乘施志學睡熟。用斧向砍致傷。施志學驚起。跑出船邊。該犯乘勢將其推跌落海。施志學遇救得生。該犯恐鍾清茶首告。復起意殺死滅口。逼令水手蔡正相帮。將鍾清茶毆砍致傷。扛棄海內溺斃。吳阿五見而叫喊。該犯又用斧嚇砍。吳阿五畏懼。逃入海內淹死。查

該犯謀殺施志學傷而未死并嚇砍吳阿五致跳海溺斃均罪止絞候其將鍾清茶致死減口應從重照謀殺人律擬斬監候蔡正從而加功絞候

陝西司 道光元年

陝撫谷巖文潮因屈斗兒之女百花兒許給該犯之子嚴黑兒爲妻童養過門嗣屈

斗兒圖姦該犯之妻未成復揚言傳播該
犯氣忿欲拉送官因被辱罵起意殺死復
將屈斗兒之子平安兒并其女百花兒扎
死滅口原擬依殺一家非死罪二人律擬
斬立決梟示部議該犯故殺童養子媳百
花兒罪止擬流至屈斗兒與其子平安兒
固屬一家惟屈斗兒係圖姦伊妻未成罪

人該犯將其殺死依擅殺律止絞候與故殺平人不同不得以故殺平人一家二命論該犯故殺無辜之平安兒罪應斬候應從重改依故殺律斬候

河南司 道光三年

河撫題張二狗縱容伊妹張氏與杜老四通姦嗣杜老四欲行謀害本夫圖娶張氏

向該犯告知情由。囑將前買毒蟲砒霜找
出。交給張氏。得以乘機下手。旋經張氏將
夫毒斃。該撫將張二狗依從而不加功律
擬流。部議張氏毒死本夫張圉之時。該犯
固未在场。幫助惟砒霜係必殺人之物。毒
藥既已入口。卽與加功無異。且查謀殺人
以致下手之犯。誤殺旁人。例內既將下手

傷重之犯。與知情賣藥者。同一擬流。則其
正謀殺案內。知情給藥之犯。應與幫同下
手者。並以加功論。將張二狗。改依從而加
功律絞候。

奉天司 嘉慶二十五年

盛刑題佟懷玉。用尖刀謀殺陶佟氏。逾五
十七日身死。該侍郎以死在正餘限外。將

佟懷玉照謀殺人傷而未死律擬絞。經本部以謀殺之案例不保辜。駁令改擬。嗣據遵駁更正。將佟懷玉仍依謀殺人擬斬監候。

直隸司 道光元年

直督岑高洪良因與楊王氏通姦謀勒伊妻傷而未死例無明文。惟妻之與夫其名

分與子孫于祖父母父母並重。比照尊長謀殺卑幼依故殺法傷而未死減一等律。于夫毆妻致死故殺亦絞律上減一等滿流。該犯恩義已絕。且訊明伊妻情愿離異。不准收贖。

貴州司 嘉慶二十四年

貴撫題尚二弟聽從姦婦同謀縱姦本夫

嗣膽小未經同行查律例并無聽從姦婦同謀致死縱姦本夫不同行之姦夫作何治罪明文若照凡人謀殺從者不行律擬以滿徒究係因姦謀殺與凡人同科未免輕縱將尚二弟依謀殺人從而不加功律擬流。

江蘇司

嘉慶十九年

卷十二

刑律人命

蘇撫谷張張氏因前夫之子范香屢犯偷竊管教不悛該氏起意謀死用信和麵做餅兩箇恐家中兒女分食囑其背地獨吃范香揣入懷中至附近廟內自吃一箇分給住廟之程鐸程善父子同食一箇均毒發殞命將該氏依謀殺而誤殺旁人一家二命例斬決惟程鐸父子二命之死非該

氏意料所及其謀殺親子。罪止滿徒。聲明
請

旨定奪。奉改斬候。

奉天司 嘉慶十九年

盛刑咨齊祿。聽從巴祿糾邀。謀殺曹文智。
未經加功。事後幫同棄屍。原擬照棄屍爲
從滿徒。部駁齊祿既經在場目睹。謀殺卽

未下手亦屬從而不加功嗣經遵駁改流。

山東司 嘉慶二十年

東撫咨唐劉氏因縱子唐小九行竊被控
畏累商同夥賊閆護本送至事主地內樹
上縊死圖賴閆護本代爲將繩懸掛唐劉
氏因繩高攀援不着復令閆護本撲地用
脚踏其背上投縵殞命該撫將閆護本照

囚令親故自殺。依闢殺論。經部駁照謀殺。從而加功絞候。唐小九不知伊母自縊情由。照子犯盜縱容。後畏罪自盡。例發遣爲奴。

四川司

嘉慶十八年

川督咨章泳芳。因聞許全氏咒詛許么兒。跌死。章泳芳乘機騙錢。隨稱伊有符咒。能

卷十二

刑律人命

將許么兒咒死許全氏囑令咒死許謝錢
文章泳芳因不能咒死將許么兒搭斃許
全氏依造魘魅符書咒詛欲以殺人已行
未傷依爲從杖一百律上加一等杖六十
徒一年本部改照謀殺人從而不加功律
擬流。

浙江司

嘉慶十九年

浙撫題湯元濬因與朱吉成之母閻氏通姦將女配給朱吉成爲妻嗣朱吉成窺破姦情時向吵鬧閻氏商同湯元濬將朱吉成致死湯元濬因年老力衰囑伊子幫同閻氏將朱吉成勒斃原擬依從而不加功律擬流部議該犯令子代往卽與自行無異改依從而加功律絞候

安徽司

道光元年

安撫咨朱善行、因妾悍潑、商同伊妻張氏、將妾謀殺、例無明文、仍照夫毆妾致死律、杖一百、徒三年、張氏聽從其夫、謀殺其妾、首從本屬分別、似難以聽從其夫、再爲減等、比照妻毆妾、與夫毆妻罪同謀殺妻之案、如係他人起意、本夫聽從加功、於絞罪、

上減一等擬流

湖廣司 嘉慶十八年

南撫題彭定魁聽從成定達圖財謀殺黃
逢安等一家二命該犯加功分贓係伊胞
叔彭正舉究出實情連贓首送如罪人自
首得免所因仍從本殺傷法依謀殺人從
而加功律擬絞監候

河南司

嘉慶二十年

河撫趙王思敬圖財謀死郭太和屍親報
驗後該犯父究出首送律得免其所因按
謀殺人擬斬監候

山西司

道光元年

庫倫辦事大臣咨袁布扎布挾嫌商令烏
巴什作法咒詛本官哈斯巴雅爾又山都

布多爾濟。因挾分產不均。商令在逃之那
匪等作法咒詛胞兄哈斯巴雅爾。并繼母
索諾木丕勒。咒詛後哈斯巴雅爾及索諾
木丕勒先後病故。該將軍將袞布扎布山
都布多爾濟均擬斬候。烏巴什擬以絞候。
咨請部示。部議符咒既非造自本身。而代
行之人祇屬意圖誑騙。與真能咒詛殺人

者有間自不得以謀殺已行科斷。應照謀殺已行律量減問擬。咒詛之人照爲從減等科斷。

山西司

嘉慶二十年

晉撫題賈萬澂謀殺張成章身死并砍傷其妻張馬氏子媳張郝氏張郭氏一死三傷依謀殺斬候請

旨卽行正法。

雲南司 嘉慶十八年

雲撫奏韓九挾周有旺被毆微嫌輒打刀
欲圖謀殺洩忿實屬凶險韓九依謀殺人
已行未傷人爲首滿徒罪上量加一等杖
一百流二千里。

廣西司 嘉慶二十二年

廣西撫題韓照常因乞丐蔣杜氏等強討
撒賴捉獲捆縛繼因乞丐夥蔣老八等受傷
身死起意商同梁特四將蔣杜氏等五人
一并致死滅口除首犯韓照常病故外將
梁特四依謀殺人從而加功律擬絞監候
慘斃五命情甚兇殘請

旨卽行正法

四川司 嘉慶二十四年

川督題黃生榜、因伊妻李氏、病苦難忍、自
求早死、用帶繞項、央求代勒。該犯初未應
允、迨因再三央求、勉從下手、拉勒李氏斃
命。將黃生榜比照夫謀殺妻、係他人起意、
本夫僅止聽從、加功於絞罪上、減一等擬
流。

河南司

嘉慶十八年

河撫題李、小聽從周滿殺死一家二命。伊父送案投首。律得免其所因圖財之罪。仍從本殺傷科斷。照謀殺人從而加功律擬絞監候。

山西司

道光二年

晉撫咨丁萬年因妻柴氏兩腳腫爛疼痛

難受。決不欲生。屢求將伊活埋。該犯憫其
痛楚難忍。勉從將丁柴氏活埋致死。將丁
萬年依夫謀殺妻係他人起意。本夫聽從
加功於絞罪上減等擬流。

謀殺祖父母父母

直隸司 嘉慶十八年

直督題宋二行竊外祖父牛得林衣物因
被毆辱挾嫌謀殺牛得林惟伊母牛氏已
因夫死改嫁將宋二比照爲人後者與本
生之父母有犯卽照卑幼犯本宗小功尊
屬律謀故殺均擬斬立決

奉天司

嘉慶十八年

刑部新父何父何

盛刑咨張伏明、商同伊子張廷義、毆勒童
養子婦王三兒身死。張廷義並未加功。將
張廷義比照謀殺妻他人起意本夫僅止
聽從加功擬流例量減一等滿徒。

浙江司

嘉慶二十年

浙撫咨吳華三、醉後調姦同居子媳汪氏

未成。汪氏告知伊母。向其理論服理寢息。
嗣汪氏因夫外出歸寧。旋因麥熟邀同伊
弟汪樂亭。仍同夫家偕往收割。經氏母汪
盧氏。囑女與吳華三言明。按日給米。令其
獨住。吳華三不依。從此懷恨。旋將汪氏謀
扎致斃。將吳華三除調。姦子媳輕罪不議。
外。比照姑謀殺子婦之案情節兇殘顯著。

例發、伊、犁、給、兵、丁、爲、奴。

福建司

嘉慶二十年

閩督奏葉張氏與無服族姪葉世旺通姦
敗露被翁姑夫毆罵葉張氏將翁姑夫全
行毒斃將該氏凌遲處死葉世旺並不知
毒情比照因姦釀命例擬徒。

山東司

嘉慶十八年

東撫咨張李氏、挾嫌謀毒嗣子張思宗、并
嗣媳等一家三命。斃嗣孫張小周一命於
謀殺子孫之婦已傷律杖一百、徒三年、罪
上、加一等杖一百、流二千里。

四川司

嘉慶二十一年

提督奏送寶璞、聽從伊母老劉氏投河、被
救得生。查例內并無父母起意自盡其子

情愿同死。致令父母斃命。其子被救得生。作何治罪。明文。案關倫紀。未便輕縱。將寶璫比照上年陝西倪勝兒之案擬斬立決。恭候

欽定。

直隸司

嘉慶十八年

直督題蘇氏、謀殺夫蔡黑小將從而加功

之氏兄蘇有林擬絞監候。仍照謀殺期親尊長爲從加功之犯請

旨卽行正法。

貴州司 道光二年

貴撫奏姜袁氏被伊翁姜起順逼脅成姦。旋經拒絕。嗣伊翁姜起順因子姜三妹礙眼將其毆斃。以便與該氏往來。該氏查知

伊夫被伊翁毆斃忿激隨將伊翁謀殺身
死。惟該氏殺死。實倫傷化之翁。若將該氏
擬以寸磔。實與謀殺無辜尊長漫無區別。
且該氏係伊翁逼脅成姦。可否由謀殺夫
之父母凌遲處死罪上。量減爲斬決之處。

恭候

欽定奉

旨姜袁氏著照刑部所議改爲斬決。

陝西司 道光二年

陝督奏番民業格血起意商同加大將加大之祖囊加致死。圖詐番民柔第錢文。隨同伊子丹巴占血并隣人魯祿將加大之祖囊加一同勒斃。該督將先獲之加大依謀殺祖父母律。凌遲處死。將魯祿依助逆

加功例。擬絞立決。正法在案。茲續獲業格
血丹巴占血父子二人。將業格血依謀殺
律擬斬監候。以該犯造意謀命圖詐陷人
逆倫。請

旨卽行正法。將丹巴占血依子孫謀殺祖
父母案內助逆加功例。擬絞立決。經本部
以丹巴占血究係聽從父命較業已正法。

魯祿聽從平人助逆者有間且衅起伊父起意謀命并非加大起意致死其祖與旁人聽從子孫起意謀殺其親者情亦有別本案斬絞凌遲已有三抵丹巴占血可否量減爲絞監候入於秋審緩決之處恭候欽定奉

旨丹巴占血依擬著改爲絞監候入於秋

審緩決等因欽此

貴州司 嘉慶二十三年

貴撫題劉老滿聽從伊父劉應生謀殺罪
犯應死胞兄劉子桂身死查劉應生因劉
子桂頂撞并擲石毆傷額顱劉應生喊同
劉老滿往拏劉子桂送究劉子桂持刀拚
命劉老滿將刀奪獲劉應生用繩拴住劉

子桂拉走劉子桂不肯行走。將劉應生拉
跌倒地。劉應生忿恨。起意致死。令劉老滿
將劉子桂抬丟入井。劉老滿代爲求饒。劉
應生不依。并悔如不幫抬。卽行尋死。劉老
滿被父嚇逼無奈。幫同將劉子桂抬至井
邊。劉應生將劉子桂推入井內淹斃。劉老
滿雖係迫於父命。究屬倫紀攸關。將劉老

滿擬以袁邈來發聲請奉
旨九卿議奏。改爲斬監候。

江蘇司 嘉慶二十年

提督奏送常山與劉氏通姦。聽從劉氏謀
殺胞兄文德。查常山先與劉氏通姦。本夫
寶善利資縱容。嗣被伊兄文德挾制。劉氏
成姦。并欲將劉氏霸佔。劉氏與常山戀姦。

情密起意。商允常山寶善將文德勒死。常山聽從加功。合依謀殺期親尊長不分首從已殺者凌遲處死。俟立秋後綁赴市曹正法。劉氏依謀殺人造意斬候。惟查謀殺期親尊長正犯罪應凌遲處死案內加功之犯例應絞決。今劉氏因姦起意。商同常山謀殺胞兄文德。以致常山罪干寸磔。該

謀殺祖父母父母

氏係造意爲首之犯與爲從加功者情節
更重應請

旨卽行正法。俟產後百日行刑。寶善照從
而不加功。滿流係寡廉鮮恥。銷櫛發配。將
來產生男女。交寶善之母楊氏撫養。

江蘇司

嘉慶十九年

蘇撫奏殷希賢與張體仁謀殺伊母。商與

訛詐分肥。雖未造意加功。第該犯因張體仁之母自願縊死。無須幫同下手。是其共謀助逆與同行。無異照謀殺人從而不加功。律滿流。而逆倫案內助逆加功之人。律應絞決。今該犯從而不加功。亦未便僅擬滿流。應發往新疆給兵丁爲奴。

廣東司
道光元年

廣東撫題小張王氏因被林翰清等拐逃
嫁賣經本夫張榮先指名控縣林翰清等
狡不承認該縣差傳張榮先質訊適張榮
先外出生理該差向其兄張亞然查詢爭
鬧張亞然之母老張王氏聞聲趨視被差
擁倒張亞然氣忿卽喝令婦女將差網毆
關禁悉慮到官治罪卽搭死伊母誣告差

役致斃。查小張王氏被林翰清等拐逃。致
兄綱差畏罪。搭死伊姑。誣告第無姦情。與
犯姦致未縱容之姑被殺者不同。未便遽
擬絞首。惟因該氏被誘拐逃。致釀重案。若
僅比例。減流收贖。實屬輕縱。應酌發駐防
兵丁爲奴。

刑部比照加減成案卷十三目錄

杭州許榑

同訂

安陸熊莪

刑律人命

殺死姦夫

刑部比照加減成案卷十三

刑律人命

殺死姦夫

湖廣司 嘉慶十八年

湖督奏馬柵貴與劉楊氏通姦聽從劉楊氏謀殺氏翁例無治罪明文照因姦同謀殺死親夫例擬斬監候該犯戀姦助逆較

之平人助逆加功情罪尤重請

旨卽行斬決

江西司 道光元年

江西撫咨外結徒罪內蔡恒喜因無服族
兄蔡大榮與伊妻通姦該犯將蔡大榮姦
所捉獲因其混罵用磁片割傷蔡大榮兩
目成篤依擅傷罪人減鬪傷二等于瞎人

兩目滿流上減二等杖九十徒二年半

浙江司 道光元年

浙撫咨外結徒罪內周子剛因鄧明洪與
伊胞姊通姦將鄧明洪捉獲捆縛擦瞎兩
目例無有服親屬捉姦非登時致傷姦夫
作何治罪明文尚未便照登時致傷姦夫
子以勿論亦未便照擅傷減二等問擬應

照、鬪、毆、瞎、人、兩、目、滿、流、罪、上、量、減、一、等、滿、徒。

四川司 嘉慶二十年

川督題安縣民陳柱、因王世熊圖姦伊姪媳蹇氏未成、越日喊同路過之紹信祿、將王世熊拉至廟內毆打、因其坐地辱罵、陳柱主使紹信祿、將王世熊活埋致斃。陳柱

應照擅殺擬絞紹信祿于未經結案之先
取保在店病故應准抵命將陳桂照餘人
病故于絞候上減爲滿流年逾七十收贖
浙江司 道光二年

浙撫咨郭庭綬因胞弟郭庭雙強姦伊妻
鄭氏未成該犯撞見忿激將其勒死例無
明文若照卑幼圖姦有服親屬尊長忿激

致死於毆死期親弟例上減一等滿徒則
與平人強姦未成被本夫有服親屬登時
殺死同時滿徒無所區別自應參酌間擬
將郭庭綬十釐殺圖姦卑幼滿徒例上減
二等杖八十徒二年

直隸司 道光二年

直督題耿喜因小功服叔耿來勤與伊母

通姦嗣耿來勤前往該犯家撥門欲圖續姦該犯聞知忿激將其毆傷斃命將耿喜依毆死小功尊屬律擬斬立決夾簽聲請奉

旨九卿議奏以例內只有本夫本婦之祖父母捉姦殺死犯姦功服尊長減爲滿流並無子捉母姦殺死犯姦功服尊長治罪

明文惟子之于母較之祖父母及本夫尤
屬天倫激切自應比例量從未減將耿喜
量減爲滿流

山東司 道光元年

東撫題康秉安因小功服兄康秉善與伊
妻通姦該犯於姦所捉獲登時毆斃致斃
量減滿流

山西司

嘉慶二十二年

晉撫題史正花因與史正耀之妻邢氏通姦被史正耀禁令拒絕該犯續姦不遂挾恨將史正耀砍死除史正花依姦夫謀殺親夫例擬斬立決外查邢氏先已悔過拒絕與始終戀姦致本夫被害者有間邢氏應于姦夫自殺其夫姦婦不知情事後卽

行首告減流例上再減一等滿徒。

河南司 道光元年

河撫咨李保。因喬應富與伊母任氏通姦。拐至廢窑內居住。該犯往捕。將喬應富毆瞎。目毆折一肢。致成篤疾。廢窑卽屬姦所。捕毆又在登時。查有服親屬捉姦例內。凡稱傷者勿論。應照例勿論。

直隸司

嘉慶二十五年

直督咨外結徒犯內申聰因總麻服弟申
興與妻李氏通姦登時追出門外將申興
毆死查卑幼犯姦罪不至死本夫于姦所
非登時而殺例得于常人滿徒上減二等
則逐至門外而殺亦應于凡人杖八十上
減二等杖六十

四川司

道光元年

川督咨孫哲仲、黃夜在王李氏卧房續姦。
經王李氏之子王子受撞獲。毆打致斃。係
屬姦所登時。惟王子受係子捉母姦。例無
專條。比依夜無故入人家已就拘執而擅
殺律擬徒。

四川司 嘉慶二十三年

川督咨周金貴因楊登沅與伊母周楊氏
通姦周金貴姦所獲姦登時將楊登沅毆
傷身死例內並無子捉母姦登時殺死姦
夫作何治罪明文將周金貴比照本婦有
親屬捉姦登時殺死姦夫依夜無故入
人家已就拘執而擅殺律擬徒

直隸司

嘉慶二十五年

順尹咨劉五因伊妻王氏與張通姦好被
獲聽從妻父王好善將王氏勒斃張通應
照非姦所獲姦殺死姦婦杖一百徒三年
劉五聽從妻父勒死其妻應照爲從於本
夫應擬滿徒上減一等杖九十徒二年半
王好善應毋庸議

山東司

嘉慶二十五年

東廬客趙小根因撞見葛二與伊母趙孫氏通姦。登時追捕致斃。例無專條。第本夫本婦有服親屬捉姦。比照夜無故入人家已就拘執而擅殺律擬徒。則姦婦之子同一義。忿應依律擬以滿徒。

直隸司

嘉慶二十五年

直督咨武緒撞獲田文明與伊妻張氏在

炕行姦往與伊弟武全等將其捉獲田文明持刀拒捕武緒等將刀奪獲揪按迭毆致傷越日身死係屬姦所登時又係拒捕罪人應均免置議張氏因憶及田文明強逼成姦用刀扎傷田文明係罪人而殺罪人仍按凡鬪應照刃傷人杖八十徒二年

山東司

嘉慶二十三年

東撫咨吳五因妻劉氏教令其女與鞠二
通姦登時致斃將其女扎傷查劉氏因貧
圖鞠二資助教令其女吳氏與之通姦迫
吳五風聞查詢猶復用言支飾劉氏寔屬
閭閻廉恥之婦吳五因劉氏祖護姦夫姦
婦不合提拏因而登時將劉氏扎傷斃命
貴屬激于義忿自不得照尋常殺妻者擬

以絞抵。但劉氏雖教令其女犯姦。究非犯姦之婦。未便遽行照例擬杖。自應酌量問擬。吳五比照聞姦數日殺死姦婦。將本夫照已就拘執。而擅殺例擬徒。

山東司 嘉慶二十三年

東撫題張興周同族弟張興和均與總麻服伯張士榮之媳李氏通姦。張士榮查知。

將李氏毆責張興周等與李氏戀姦情密
聽從李氏將張士榮謀勒斃命張興和係
張士榮無服族姪照凡人謀殺人從而加
功罪應絞候張興周係助逆加功應從重
比照子孫謀殺祖父母案內如有旁
人助逆加功者擬絞立決

江蘇司

嘉慶二十二年

卷十三

刑律人命

上

蘇撫題陳日林因嫂王氏與史仲發通姦糾同石老五等捉獲將王氏勒死石老五等聽從陳日林糾往捉姦勒例內並無非應許捉姦之外人聽從有服親屬糾往捉姦殺傷姦婦明文惟姦夫姦婦事同一律將石老五等比照有服親屬殺死姦夫案內聽從加功例擬杖一百

江蘇司 道光二年

提督咨王三因妻崔氏患病延醫王文舉
調治王文舉圖向崔氏通姦二次帶給買
藥錢文該犯心疑王文舉與崔氏有姦向
崔氏追問用刀將崔氏戳死訊明王文舉
圖姦未成該犯疑姦通供而殺將王三依
非姦所獲姦將姦婦逼供而殺審無姦情

確、據、仍、照、夫、毆、妻、致、死、律、擬、絞、候、王、文、舉、
圖、姦、崔、氏、未、成、固、與、已、成、有、間、惟、該、犯、圖、
姦、致、崔、氏、死、于、非、命、例、無、治、罪、明、文、將、王、
文、舉、依、本、夫、聞、姦、殺、死、姦、婦、例、姦、夫、杖、一、
百、徒、三、年、

四川司

道光二年

川督咨黃碧珏、因大功堂弟黃碧祚、強姦

伊姪女楊黃氏未成該犯事後捉拿將其
毆傷身死例內並無尊長毆斃強姦有服
親屬未成之卑幼作何治罪明文將黃碧
珏比依卑幼圖姦有服親屬被尊長忿激
致死按服制于毆殺卑幼本律上減一等
應于毆大功弟滿流上減一等滿徒

江西司

嘉慶二十四年

江西撫咨汪以政與無服族姪婦余氏通姦共坐戲謔被氏子汪聘三走至撞見氣忿誓不與汪以政干休嗣汪余氏與鄰婦在房閒談汪聘三疑係續姦前往捉拏喊稱因房火起汪余氏出看被汪聘三刀砍身死查汪以政並未在汪余氏房內究因該犯與汪余氏通姦以致釀成逆倫重案

將王以政比照本夫有服親屬捉姦殺死
姦婦如非登時將姦夫擬徒例加一等杖
一百流二千里。

四川司 嘉慶二十四年

川督咨魏機匠與吳世柏之妻吳樊氏通
姦。經氏翁撞見逃跑。迨氏翁向吳世柏告
知。吳世柏氣忿。將吳樊氏勒斃。魏機匠吳

世柏均比照姦所獲姦殺死姦婦姦夫到官供認不諱例各杖一百徒三年

陝西司 嘉慶二十四年

陝督題劉丙望與賀三均與荀孫氏姦好嗣賀三起意謀害本夫該犯同謀臨時並未同行將劉丙望比照加功之人亦係姦夫于斬候例上量減一等滿流親老丁單

不准留養。

江西司 道光元年

江西撫咨劉景云、因妻王氏、先與李茂發
通姦、經伊兄控官、照例責懲、給伊領回、嗣
王氏戀姦逃走、被該犯追回致死、雖與獲
姦不同、而殺姦實由義忿、比照本夫聞姦、
數日殺死姦婦、照已就拘執而擅殺律擬、

徒

陝西司 道光元年

陝督咨強他行、因妻趙氏與強選兒通姦。該犯姦所撞獲、經眾勸釋、將趙氏送回母家。該犯當日被父專制、不敢違拗。越日趙氏由母家回歸、該犯瞥見忿激、將趙氏推入井內淹死。比照聞姦數日殺死姦婦例。

擬徒。

直隸司 道光元年

直督奏魏榮禮因與魯宋氏並氏姑魯葛氏通姦。嗣魯宋氏懷妬斥罵。商同魏榮禮將魯葛氏致死。例無因姦聽從姦婦謀殺其姑專條。比照謀殺本夫之案。其爲從加功之姦夫。斬監候。該犯助逆加功。請

旨卽行正法。

安徽司 道光元年

安撫題陳四榜因與楊泰攷之妻胡氏通姦聽從姦婦謀殺本夫該犯預買信毒楊胡氏下毒後因本夫吐出不食用刀將夫迭砍致斃楊泰攷雖死于傷不死于毒究由該犯商謀所致未便因本夫非死于該

犯所給之信稍寬其因姦謀殺之罪依因姦同謀殺死親夫律斬候

江蘇司 道光元年

蘇撫咨張還因與徐瑞隴之女貴姐通姦產生私孩經徐瑞隴將女毆死張還比照開姦數日殺死姦婦姦夫擬徒徐瑞隴例不科罪

嘉慶二十五年

河南司

河撫咨劉奉先與劉玉林之女劉女和姦
尚未成姦被劉玉林撞獲劉奉先逃走越
日劉玉林將劉女勒死劉奉先應比照本
夫非姦所獲姦或聞姦數日殺死姦婦者
姦夫擬徒劉玉林因女無恥忿激致死應
毋庸議。

河南司 嘉慶二十五年

河撫咨王朋生與趙中元之女棒姐通姦。被趙中元撞見。王朋生逃跑。趙中元將女棒姐用繩套入咽喉。背至王朋生院內。以致氣絕殞命。應將王朋生比照聞姦數日殺死姦婦者姦夫擬徒。趙中元免議。

直隸司 嘉慶二十一年

直督奏朱亮與滕蒯氏通姦起意商同姦婦謀殺其姑滕王氏身死一案將朱亮比照姦夫起意殺死親夫例斬決。

江蘇司

嘉慶二十一年

蘇撫咨馮水與黃氏通姦被本夫王存捉獲將姦婦黃氏非登時勒死查例內並無本夫姦所獲姦非登時將姦婦殺死姦夫

作何治罪。明文將馮水照本夫聞姦數日殺死姦婦。姦夫擬徒。王存勒死姦婦。究係姦所獲姦。殺由義忿。又係聽從父命。應酌減科斷。王存應照不應輕答。

江蘇司 嘉慶二十一年

蘇撫咨于六保。因撞見于松與伊妻張氏通姦。上前捉拏。被脫逃走。經該犯之兄于

惠文勸令隱忍。嗣被妻母張于氏護短村
斥。該犯忿恨。主令于惠文將妻毆斃。事越
七日。殺非登時。例無明文。于六保比照聞
姦數日殺死姦婦。姦夫供認不諱。將本夫
照已就拘執。而擅殺例滿。徒于惠文聽從
幫毆。應改依餘人例杖八十。

四川司

嘉慶二十年

川督咨王思恭因小功堂弟王思連與伊
未過門之媳魏丁女通姦將王思連毆斃
王思恭比照卑幼圖姦有服親屬被尊長
忿激致死于毆殺小功卑幼罪上減等擬
流魏丁女依姦總麻以上親之妻擬徒

山西司 嘉慶二十年

晉撫咨楊尚青與無服族妹楊慎隕子通

姦敗露致伊母楊史氏逼令伊子楊存真將楊慎慎子帮同勒死。楊尚青應比照本婦有服親屬捉姦。非登時而殺。將姦夫杖一百。徒三年。楊史氏應比照本婦之母。如有捉姦止殺姦婦者。不必科以罪名。楊存真聽從伊母帮同將伊妹勒死。應比照殺姦案內聽從加功之親屬。照共毆餘人杖

一百。

奉天司

嘉慶二十二年

吉林咨李榮才之女李鳳兒許配趙國洪
爲子媳。童養過門。尚未成婚。趙國洪屢向
李鳳兒調戲圖姦。嗣復夤夜赤身向李鳳
兒調戲。李鳳兒喊叫。拔針刺扎。致傷趙國
洪莖物。李鳳兒連夜奔回母家。向李榮才

哭訴。趙國洪亦尾隨跟至。誣賴李榮才。不
依。用刀將其戳傷身死。該將軍將李榮才
依擅殺罪人絞罪上。量減擬流。李鳳兒依
妻毆夫之父母斬罪上。減二等。擬徒。經本
部以李榮才聞知伊女被趙國洪調戲圖
姦。將其戳傷身死。應改照擅殺罪人絞候。
李鳳兒係趙國洪聘定未婚之媳。既經過。

門童養翁媳名分已定。應仍依妻毆夫之
父母本律擬斬立決。該氏拒姦情急。確有
証據。照例奏請免罪。

直隸司

嘉慶十九年

直督咨邢二皂保與徐黑子之妻邢氏通
姦謀殺本夫。傷而未死。姦夫擬謀殺傷而
不死。律絞候。姦婦訊不知情。比照姦夫自

殺其夫姦婦雖不知情絞罪上量減一等
滿流。

江蘇司 嘉慶二十一年

蘇撫咨張四聽從捉姦。戳傷姦婦。查張四
聽從李潘氏起意將前夫之女鄭張氏致
死。令張四相帮用刀將鄭張氏戳傷。復經
李潘氏將鄭張氏勒斃。例內並無非應許

捉姦之人。聽從有服親屬捉姦殺傷姦婦。
治罪明文。應比照應許捉姦親屬起意殺
死姦夫案內聽從加功不應捉姦之外人。
依共毆餘人律滿杖。

安徽司 嘉慶二十一年

安撫奏谷海與劉氏續姦被氏翁楊林驚
覺起捕。該犯持刀將其扎傷倒地。復起意

殺死滅口。未便僅照罪人拒捕問擬。將谷海、比照姦夫起意殺死親夫例擬斬立決。

湖廣司

嘉慶二十一年

南撫咨外結徒犯內郭鉦開。因總麻服姪郭景璞與伊妻通姦。當于姦所捕獲。逐至門外。將郭景璞毆斃。例內並無本夫捉姦登時逐至門外殺死犯姦有服卑幼治罪。

明文惟例內提姦非登時殺死犯姦卑幼。
于常人罪上減二等。則登時逐至門外殺
死犯姦卑幼亦應于常人罪上減等問擬。
郭鉦開依應于姦夫已離姦所本夫登時
逐至門外殺之應照不應重杖減二等杖
六十。

河南司

嘉慶二十一年

河撫題喬進玉因小功堂姪之妻李氏與
朱全保通姦糾人往捉將朱全保姦所捉
獲登時毆斃李氏因姦敗露旋即羞愧自
盡該省將喬進玉照非登時而殺律擬絞
以姦婦畏累自盡將喬進玉減等擬流經
本部將喬進玉改依有服親屬捉姦登時
殺死姦夫例擬徒

奉天司 嘉慶十九年

吉林咨劉中和強姦伊妻隨帶前夫之女
大姐未成致大姐將其致斃依毆繼父致
死律斬候。惟大姐與劉中和服屬總麻仍
比照有服尊長強姦卑幼之婦未成如係
外姻功總卑幼減爲杖流例杖流。

安徽司 嘉慶十九年

安撫咨孫萬仁因小功服兄孫惟仁與伊大功堂兄孫廣仁之妻通姦。孫廣仁邀同該犯幫捉致斃。原擬比照聽從下手毆本宗小功兄至死尊長僅令毆打而輒迭毆致死例斬候部議改。依本夫有服親屬捉姦殺死犯姦本宗期功尊長皆照本律擬罪。夾簽聲明請

旨改新監候。

安徽司 嘉慶二十年

安撫題于有棟。因于應節與伊妻劉氏通姦。迫于強悍。力難制縛。欲將于應節毒斃。以致悞毒族姪孫女于文如身死。查該犯置毒時。稔知于應節隻身獨處。初只料其一人取食。並未逆計于應節麥麵轉交各

居之于葛氏烙饅與于文姐同食如于應節因毒斃命該犯應擬滿徒今因謀殺姦夫而誤毒旁人若照常人謀殺而誤殺旁人擬以斬候似無區別應比照本夫捉姦誤殺旁人例擬絞監候于應節應從重依姦總麻以上親發附近充軍

陝西司

嘉慶二十年

陝撫咨樊文明。因樊文用與伊母通姦。該犯于姦所撞獲揪毆。經人勸散。該犯忿激。越日尋獲樊文用毆傷斃命。例內並無母犯姦淫。于於姦所獲姦。非登時毆死姦夫。作何治罪。明文查子殺母之姦夫。其義忿之狀。較夫殺妻之姦夫爲尤切。自未便等于本夫本婦之尋常有服親屬。將樊文明。

比、照、本、夫、于、姦、所、獲、姦、非、登、時、而、殺、例、擬、
徒。

河南司 嘉慶十九年

河撫題敬二妮因與小功弟妻通姦謀殺
縱姦本夫原擬依謀殺小功卑幼絞候部
議親屬相姦殺死並未縱容之本夫例不
以服制論則殺死縱姦本夫應照平人科

斷依謀殺造意者斬候。

刑部司 嘉慶十九年

晉撫題張劉氏因夫亡守志經夫兄張俊利調媛不從致傷張俊科身死查妻毆夫期親尊長至死罪應斬候若照本律擬罪是以守貞不污之婦爲姦淫罪人擬抵應照姦卑幼之婦未成被本婦登時忿激致

殺死姦夫

斃係總麻尊長隨案減流例擬流

陝西司 嘉慶十九年

陝督題朱興貴因與馮氏通姦謀殺縱姦
本夫張先勝屍兄張先簡受賄私和馮氏
雖不知殺死本夫情事但事後既經告知
並不赴告未便仍照縱容本律科斷比照
夫爲人所殺妻妾私和律滿徒

四川司 嘉慶十八年

川督題蕭綜舉因見義母蕭龐氏之媳蕭
王氏與廖洪智通姦被其撞獲毆傷廖洪
智身死將蕭綜舉比照非應許捉姦之人
爲本夫糾往捉姦殺傷姦夫照擅殺罪人
科斷例擬絞監候

四川司 嘉慶十八年

川督咨朱貴文與劉思正之女劉么姑通姦。經劉思正撞見當卽捉拏。朱貴文逃走。劉思正將劉么姑毆傷。經劉思潼勸住。旋因拏獲朱貴文。劉思正氣忿用繩將劉么姑勒斃。朱貴文比照本夫本婦有服親屬捉姦非登時殺死姦婦姦夫擬徒律擬徒。山東司嘉慶十八年

東撫題小張張氏與張成中通姦張成中
起意將本夫張湛掐死滅口向小張張氏
商議該氏不敢允從復又拉勸張成中將
該氏摔跌倒地嚇禁將張湛立時掐斃該
氏不獨未與同謀且有救夫之心迨事後
聽從隱諱因心慌畏懼所致亦非甘心事
仇未便照同謀殺死親夫之律擬以寸磔

將小張張氏比照姦夫臨時拒捕姦婦在場並不喊阻救護事後又不首告者照姦夫自殺其夫姦婦雖不知情律擬絞監候四川司嘉慶二十二年

川督咨楊周氏瞥見夫妾楊趙氏產生私孩卽邀周李等前往盤詰楊趙氏俯首認錯復因其未肯說出姦夫姓名致將楊趙

氏毆傷殞命。例無正妻因妾產生私孩忿
激致斃。作何治罪。明文將楊周氏比照本
夫聞姦數日殺死姦婦。確有寔據者。將本
夫照已就拘執而擅殺例擬徒收贖。

直隸司

嘉慶二十二年

直督咨魏九殺死與伊童養未婚妻高氏
通姦之總麻服姪高風光查高風光出繼

高姓例應歸宗。魏九係高風光總麻服叔。因見高風光與童養未婚妻高氏通姦。前往捉拏。致被掙脫。並不鳴官究治。輒將高風光擅行殺死。獲姦既離姦所。殺死又非登時。魏九合依童養未婚之妻與人通姦。本夫捉姦。照已婚妻例問擬。本夫捉姦殺死犯姦。有服卑幼之案。如卑幼罪不至死。

捉姦已離姦所。非登時而殺者。于常人絞罪上減二等。滿徒。高氏給魏九童養爲妻。名分已定。其與伊總麻服姪通姦。例無治罪明文。惟旣將捉姦殺死姦夫之魏九。照已婚例問擬。高氏亦應照姦總麻以上親之妻律擬徒。

湖廣司 嘉慶二十五年

南撫題顏太先與方連生未婚之妻劉大
兒通姦。嗣該犯起意將本夫殺死。圖娶劉
大兒爲妻。商同劉得三將方連生戳傷斃
命。將顏太依姦夫起意殺死親夫。擬斬立
決。劉得三從而加功。絞候。劉大兒依軍民
相姦枷杖。

山東司

嘉慶二十四年

求撫。咨劉相林。因郭連仲誘約伊妻吳氏。在家姦宿。該犯與伊岳父吳會元及劉汝慶等。前往捉拏。將郭連仲于姦所捆縛。追因郭連仲辱罵。該犯令劉汝慶等。揪按。自用首簽挖出郭連仲兩眼。越日身死。除劉相林。依姦所獲。姦非登時而殺例。擬徒外。劉汝慶等。係劉相林有服親屬例。許捉姦。

聽從。縱。按。合。依。餘。人。杖。一。百。律。上。減。二。等。
杖。八。十。

直隸司

嘉慶二十四年

直督咨史驛子。先與郭邊氏通姦。繼因郭
邊氏與馮墨鏡姦好。經氏子郭鳳鳴。囑令
幫拿。該犯妬姦懷恨。主使郭鳳鳴。將馮墨
鏡。兩。目。剜。瞎。成。篤。雖。該。犯。並。未。下。手。但。罪。

坐所出。應以史驃子爲首。除史驃子。依兇徒。忿爭。剜瞎人眼睛。例發近邊充軍。外將郭鳳鳴比照。應許捉姦之人。如有致傷姦夫。例勿論。

河南司 嘉慶二十一年

河撫咨李青鳳致傷小功叔李均明成篤查李均明私娶大功堂弟李興業之妻凌

殺死姦夫

氏爲妻。按律應以姦論。李青鳳係凌氏嗣子。例許提姦。因提拏李均明送官。不服。隨剗瞎其兩目。實屬激于義忿。李青鳳合依本夫本婦有服親屬提姦殺死犯姦尊長。如止殺傷者。照律勿論。

直隸司 嘉慶二十三年

直督題韓大、囚張王水與伊母通姦。登時

捉獲。囑令總督服兄韓忠大帮毆。將張王
水毆傷身死。韓大揉瞎張王水兩眼。係激
于義忿。且于與母情切。天倫不得與有服
親屬。並論應予以勿論。

江蘇司

嘉慶十九年

蘇撫題向順漢于嘉慶八年娶妻。旋即外
出。備趁未回。其妻李氏求乞度日。於嘉慶

十二年九月初十。我往向順漢傭工處所。賃房同住。李氏于次年三月初十。產生一子。維時向順漢受雇在外。經伊戚李春拔告知產子情由。向順漢以與妻同房。僅止六月。何以產子。卽能成活。明係伊妻與人姦。卽起回見李氏抱子。在門首乘涼。向順漢查看嬰孩。身軀長大。並非血氣不足。

忿激莫過。卽取菜刀向妻盤問姦夫。李氏
支吾不吐。向順漢用刀連截。致傷李氏。並
誤傷嬰孩。立時殞命。原題內稱查洗冤錄。
載胎形六月毛髮生。七月動右手。八月動
左手。今李氏之子。如果係向順漢所生。則
懷胎僅止六月。兩手未能舉動。斷無存活
之理。其爲姦生子無疑。向順漢自外回歸。

目擊伊妻手抱姦生之子。向詢姦夫不吐。
迭戮致斃。雖無姦夫到官。而姦情已有確
據。抱孩之地。卽同姦所。入門之頃。卽屬登
時。揆其情勢。是與姦所獲姦。殺死姦夫無
異。其因殺姦婦。以致誤傷姦生之子。律內
並無明文。蓋姦生之子。卽屬姦夫玷辱本
夫確據。本夫之視姦生子。與視姦夫。情無

二致比照本夫于姦所獲姦將姦夫姦婦
登時殺死者勿論部駁向順漢因疑姦致
死李氏並將所生幼子一併戮斃既據訊
明犯鄰屍親僉稱李氏平日並無不端是
姦情並無確鑿姦夫不知係屬何人如謂
李氏僅止懷孕六月因姦而生查該犯與
妻同房之時距生子之日計已滿足六月

卽應以七月論其骨節毛髮俱成達生篇
內原有七八個月生產之說果係因姦而
生計該犯出門之時李氏所懷身月應已
數月該犯性非痴呆何竟茫無知覺該犯
初到案時據供伊因疑姦盤問被妻懷罵
氣忿將其妻戳死旣無生供證據又未拘
獲姦夫正與非姦所獲姦將姦婦逼供而

殺以毆妻至死論之例相符卽究出姦夫
到官審認不諱按例亦應擬徒等情題駁
去後嗣據該撫將向順漢依非姦所獲姦
將姦婦逼供而殺審無姦情確據者依毆
妻致死論擬絞監候